

薛稊吟館鈔存

薜篈吟館鈔存

卷五目錄

讀五代史戲擬小樂府三十首

讀南北史擬小樂府三十八首

讀遼史

讀金史

和鼎雲少空

榛子鎮留題王氏廳事

盧龍道中

店壁咏老馬詩和之而反其意

擬勵志篇

駐節小黑山和松岑少農題壁

謝鼎雲少空餽冬笋橄欖芋薺

遊天后宮

到瀋以來連得時雨

偶成

興隆店

撫順城

調朱霞峯同年城法懋亭農部福禮

得古村

書所見

旅舍

三月晦日

曉發興京

新兵堡

剛山嶺

宿蜊蛄河

大荒嶺

晚步

過南天門

望寶山

邊外多雨

黑熊溝

嶺上望月

將至靉江岸

靉江晤朝鮮使臣李藕舩

尚廸

即目有作

時花甚鮮獨秀於野

即景

毳幕戲成

羅圈溝

渾江卡房少座

詩答奕楚江公帥

湘

東邊行

東征襍謠

寄內

有感

得家言有梅谷少宗伯自壽詩即步其韻

寓瀋口號

憶蟬

小黑山遇雨

途中即目

遊醫巫閭山

榛子鎮再題王氏廳事

曲陸店早行

抵濟南作

遊趵突泉

濟南雜咏

登千佛山

夜坐

北極閣

歷下亭

偶吟

雜興

贈陳子鶴少寇孚恩

潘芝軒相國世恩戊申新正晉太傅用紫韁

紀詩屬和

卓海帆相國秉恬奏雨志喜屬和

定郡王曳車圖詩屬和

梅谷屬題爭棗圖

梅谷寫清直圖以自勵屬題

定郡王息肩圖詩屬和

直廬排悶

中秋後重遊碧雲寺

定郡王用漁洋秋柳韻賦秋海棠四律屬和

定郡王以前韻賦菊花屬和

定郡王以前韻賦梅花屬和

薜蘿吟館鈔存

臨潢 柏後

讀五代史戲擬小樂府三十首

冤句私鹽徒流毒溢海內慘甚陳蔡人聚殲春磨塞
巨容縱賊去宮闕燬狼烽一片鷓鴣軍至功高獨眼龍
黃帽勇三千神機善控弦餅師真捷足一蹴得西川
芒山一小民遷陝復遷洛坐使唐宅家不如紇干雀
安兒冠假子搢槊雄如此車裂爾長城何堪阿檀死

西川雄踞後迎駕不臣溫猶憶大散嶺御袍多淚痕
五千黑雲都節度良無慙富強揚第一坐鎮屬淮南
何處鳴梟集廷臣一旦休至今白馬驛黃水不清流
巢破有朱三奸雄似阿瞞牙兵爭控鶴寢殿夜燈寒
山館艷笙歌林巒簇綺羅何須阿堵物境內堇泥多
非君亦非臣蒼鵲隨參軍笑殺楊隆演舅事不敢聞
鵲營莊可樂鍊藥去房山未受長生籙宮中血色殷
原廟立岌堯流連萬里橋賣官曾不恤何有大夫喬

枉歌三閣圖不識西川危重九宣華宴嘉王好酒悲
國寶已迎唐子明甘就死河上問段凝空留護駕水
童駢縱荒宴此亭真怡神自知珍綺貴詎免入草人
東川有節度撲椒莫如璋埽糞飽殘炙恩深只七郎
驟馬亦可乘對峙見書法將軍楊復光特進張承業
常棣本連枝各享五百歲何歟申漸高攘金取腦潰
錦帳九龍蟠唯貽歸郎樂國翁不如燕一葉隨風落
諫臣舁櫬來老物真狂發何如周翰林酒腸不可捽

石晉倚遼封回圖啓塞烽橫磨空十萬負義困黃龍
四姓歷十君長樂稱老子不痴並不頑畢竟寡廉恥
定國在大劍毛錐奚可無坐有姓閭人何煩畏酒徒
畝稅雀鼠偷省耗復省陌嗟爾餓殍多何堪更兵革
楊史一時消匆匆漢主驕澶州旗被體軍變肇陳橋
希萼攻鈍夫鬼像空怒盼諒哉楚相言衆駒爭豆棧
溫韜掘寶還珍物落人間甕壙留殷鑒無須笑老慳
艷詞譜小令踏歌澄心堂風流按殘譜猶得續霓裳

具美起臨安卅載民康泰所向亦稱臣遠勝高無賴

讀南北史擬小樂府三十八首

洛西十萬衆飲博氣何揚愛聽相輪鈴聲聲劬禿當

肥水青岡外風聲鶴唳間憮然真勅敵心折八公山

主驕民已疲不殺慕容垂五將山前路應歌阿得脂

姁姆與僧尼比昵朝綱敗空羨好家居纖兒將撞壞

世奉天師道凝之有鬼兵不知名父子何術禦長生

父為九州伯兒慚五湖長莫遇劉盤龍

劉毅小字也

桓溫亦不

唐荅以貧金不
六二
享

枉饒清秀神難羈不軌性雉尾一時然誰遺湯續命
百一十歲人三十六曹事不識魏廷中何人上竊位
赤鼠大如馬讒慝無時休取侯北海王何如事五樓
御醪醪十觚水精鹽一兩醴醴味卿言料敵信指掌
久闢佛老書乃奉天師道誰歟秉國成經術空懷抱
苑沼賜貧窮獵騎供羸瘦壯哉筆頭公直聲世稀邁
風度討羨之辨才誅傅亮慧琳善清談黑衣遂宰相

晉代有徵士
髡髡古處風中流
一砥柱不愧長沙公
高懷顧顗之風節
肯少遜契彼辛毘言
無忘定命論
骨肉盡摧殘
道兒乃有子猪王
誠非人甘作呂牛比
袁粲石頭死
彥回生奈何
蕭公能了此
辜負著黃羅
吾愛謝敬仲
壯莊之子
不為齊侍中人
以壽為歡何來
光祿公
巾卷美且都
劍衛好身手
散髻插斜簪
風流齊祭酒
江南多好臣
一歲一易主
無怪謂傖荒
此風久不古
車前無八騶
何得稱丈夫
絳衫戎服者
無乃笑人乎

空倉題滿粟智畧等量沙不似矜鎚稍令人齟齬牙
洛都創初建政治一番新改姓更衣後北方多雁臣
百萬南征去吹脣欲沸池幾人能擊賊只有傅修期
一闕懊儂曲蕭郎久負情曲阿能畢命終不受金甌
如意揮三軍敗敵惟瘦虎阿六生計多蕭娘原不武
鑄鐵灌賊人地道洩井水左氏豈浮誇齒冷十七史
未死定功弩且聽敕勒歌蒼茫天野際哀感更如何
鸚鵡健羽翮殺雛飛上天可憐青雀子飛墮北城邊

當年曾此作行衙三載駒光感歲華

甲辰奉使朝鮮寓此

兩度吳門

持玉節再來灤水泛星槎堂前世種科名草

額懸文 武孝齋砌下

苞含富貴花

牡丹二株欲放

我似紅襟春社燕巢痕仍舊覓王家

盧龍道中

磨蝎無端入運時春來又復賦驅馳酒帘斜颭垂楊岸
社鼓朝喧孤竹祠人自廣交因奉節天教遠客為吟詩
輪蹄况味余經慣辜負梅花只鶴知

店壁咏老馬詩和之而反其意

為遇九方晚西涼滯幾春一朝備羈勒廿載飽風塵鬣
尾時粧禿鞍韉主眷新莫貽駒犢笑珍重歲寒身
不入丹青引才居下駟間識塗齒加長戀棧性何慳漫
恤車鹽服無教踣鍤閒羨他風骨俊棗脯飽天閑

擬勵志篇

良馬恥樞伏美珠戒櫝藏孔席不暇暖孟賁時出疆讀
書慕終古墮地志四方昔者守蓬華今且直東廂我我
駸駸冠濟濟駕鷺行劍履近溫室衣袖沾天香昨使江

以南茲復瀋之陽少空老姻婭携手歌河梁綉衣古直
使躍馬千金裝關外少行人驚沙滿城隍芙蓉有新邏
山海古戰場導前更擁後意氣何揚揚學問在致身無
使私情妨鴻飛遵陸渚駿足騰天閭行或使之然莫便
嗔臧倉

駐節小黑山和松岑少農題壁

三至遼東已十年

戊戌官瀋陽甲辰
使朝鮮今三至矣

昔遊風物尚依然烟村

歷歷沙千頃岸柳青青水一川遽使遠來欣舊好

是日省
中大吏

差 郇厨特飽感前緣

邑紳王君饋酒食

自慚鞅掌無裨補鴻爪泥

痕景昔賢

謝鼎雲少空餽冬笋甘蔗橄欖葶薺

小雨初晴潑火天食單乍荐幾枝鮮年來慣受維摩法
方丈同叅玉版禪

頒來諸蔗壓筠籃津味醺醺境自甘倒啖亦能祛內熱
遼東風趣亞江南

中舍至潔烏芋貴味美於回諫果新識我司空非肉食

也分佳品到鄉親

獨冠時鮮合拜嘉金齋玉鱠未須誇剡籐不效瓊琚報
應愧風人詠木瓜

遊天后宮

獨來郭外小車停柳色垂金草色青
領畧西園風趣少
一灣流水護茅亭

暇日銷憂獨上樓蕭疎村落望中收
倚窓遙指紅牆外
簪滬閒拋幾釣舟

到藩以來連得時雨

似虎風威減如絲雨勢成雲容來少海水氣逼孤城幾
許甘膏足連番衆綠生鄉園數千里應有挂檐聲

不到藩陽久今春膏澤多有人如木石閉戶學麤螺目
笑郎當曲心殷敕勒歌軒窓飄洒遍霑漑近如何

偶成

導前擁後盡材官箭袖弓衣簇錦鞍村裏爭傳星使過
紅粧多少倚門看

荆布裝梳亦自新鉛華點綴立含春自疑貌美藏娘後
不許人看偷覷人

興隆店

濃雲如墨雨絲斜分付僮奴早駕車莫待前途泥淖甚
昏茫何處覓人家

晚來茆店雨潛潛鎮日輪蹄跋涉艱獨有一般心賞處
遠村林屋近村山

撫順城

雨足春流漲山高一塔明疏林斜掩處
失喜見孤城

調朱霞峯同年

城

法懋亭農部

福禮

瀟瀟風懷起部多廿年京洛舊同科
坐中不似江南客
貂尾冠纓鞞鞞

一自經營客瀋城短衣躍馬又東征
長身鵠立人爭笑
兩個農曹太瘦生

得古村

獨步荒村外逍遙行飯時沿堤尋石子
隔水打鵜兒

書所見

空泉寫鏡照螺鬟
嶺樹排簪露遠山
秀氣都教地靈奪
怪來嫫母遍人間

旅舍

風勢驅雲墨點妍
雷聲送雨急飛泉
竒峯擁向東南去
一片斜陽紅滿天

三月晦日

常年京洛餞春行
三客遼東百感生
待到曉鐘過晦日

送東君直出汪清

邊門名

曉發興京

于役忽永久春歸夏已迎
隨囊書幾卷襍被夜三更
作客期無定思鄉念轉平
偶逢山水好亦足以怡情

新兵堡

晚來行飯山阿僮輩相扶過
河惹得村兒拍手教人看
煞東坡

剛山嶺

數聲雲木叫鉤輈一嶺陰森夏轉秋碎石高低荒草徑
細流曲折亂柴溝地名大類閭王鼻馬跡多逢塔子頭
卻下平原遙望處行營千架列星稠

宿蜩蛄河

瘦馬凌兢踏亂雲山山紅影又斜曛千層嵐翠磬頭合
一道江流浪脚紛樹作燐柴人結伴野多青草馬嘶羣
勞薪不覺駒陰速月到中天已二分

大荒嶺

峻極於天不可登奇峯疊翠一層層
兜孫羅立千岩秀琴筑和聲衆水澄
自有林巒標嶽色惜生邊徼少嘉稱
當年若入風詩咏未許崧高獨擅能

晚步

獨步高原上山山夕照多天風吹白草
勑勑發高歌

過南天門

我昔覽圖畫棧道兼騾綱今茲馬首東
川境如親嘗堤塔已險仄天門倏開張
初行魚貫柳又若雁依行銜尾

而連踪跬步相隨將上者意伶俜下者神怵惶前者騎
欲窘後者走且僵蠕蠕一線黑斷續蟻附牆天真尺五
接澗落千丈強不見江水流但聞聲湯湯盤旋到絕頂
突兀又巒岡如是者八九到眼皆渾茫入帳止偃卧意
索神不揚嗟哉鞅掌身那不思垂堂

望寶山

登峯造極馬蹄艱今日才看平遠山却立溪頭何所羨
一雙白鶴步林間

邊外多雨

片雲才黑洒零星斜日初烘雨未停大似江南梅子節
不能時倚小樓聽

黑熊溝

一條溝貫嶺東西赤日無功徑欲迷石笋逐層穿磴道
瀑花沿路吼岩溪長松古柏留熊館陡嶺重岩怯馬蹄
八十里中天罨綠居庸設險未堪齊

嶺上望月

山月照行幄清光爛似銀姮娥應笑我連歲異鄉人

將至鰓江岸

急雨初過雲淡黃風聲獵獵送新涼一鞭遙指行營近
江上青山已夕陽

鰓江晤朝鮮使臣李藕船

尚廸

幾年不見玉谿子又到江頭挹素芬淡水交情應識我
落花時節正思君撫藩韓愈吟邊月叱馭王尊踏坂雲
帝遣皇華重懷遠要從安集慰宵勤

即目有作

不是飢寒迫胡為竄徙謀一時來駐馬幾處學潛蚪火
種刀耕俗巢居穴處儔桃源渺何許彷彿阻漁舟

時花甚鮮獨秀於野

枝條遮莫伍荆榛才到花開分外新時有風來增嫵媚
縱無人處亦精神幾回幽谷蘭偕茂一例東籬菊耐貧
落溷飄茵兩無著勝他飛逐軟紅塵

即景

襍花滿地紅愛折手香風引得雙蝴蝶飛飛入轎中

毳幕戲成

客中作客況天涯縷指三旬感歲華鎮日人眠芳草地
只親蟲豸不親花

羅圈溝

天近遐荒傷客心征鞭幾日入山深一叢碧草衣沾翠
十里黃花地布金小寺蕭蕭平野濶大旗閃閃夕陽沉
如看小李將軍畫青綠山川千疊林

渾江卡房少坐

滿地紅眼哈湯終日黃梅細雨試問東西二京多少閑
人笑語

詩答奕楚江公帥

湘

報國曾無一寸長風塵辛苦我應當驚心山勢蚰蜒路
觸耳風聲虎豹鄉但福羣黎能有益再遊幾月又何妨
劇憐儻從兵丁輩險阻飢寒已備嘗

東邊行

昨秋挂片席遙指金焦巔長江潏潏與天際舟行之樂
逾登仙今春馬首出渝關黃符一紙庚郵傳東都都護
上公貴西京姻婭司空賢大君有命恤藩服聯鑣行
部綏東邊視茫髮蒼齒牙動昌黎顧影已衰年車轡馬
蕭弓箭腰少陵從軍盍勉旃帕首鞞刀好結束戎衣輕
壓新花韞東過薩爾澣泥沙折戟餘戈鋌亦越興京
城昔衆一旅田一廛林巒蔥鬱美無度汪清門外爭揮
鞭舍車而騎數千里宛置我於蠹叢鳥道之西川天梯

石棧陡萬級氷谿雪瀑紛洄旋鴨綠之江一瀉入東海
混同臚胸相鈎連石林峩峩若無路一髮曲徑螺紋旋
山攔泥橈步彳亍鑿蹄果下嘶遷延有時懸撞度索入
雲際有時深厲淺揭汧流泉手胼足胝泥沒胛籐鈎橘
刺衣履穿馬瘡僕痛未遑恤坐愛景物方新妍春風拂
兮春雨綿春林蒨麗兮草芊眠山花無名亂堆錦山鳥
作意能調絃蛟宮熊館各踰伏山魃木客皆奔蹙射麋
而釣鱗賈勇猶漁畋脗割與輪焯荐腥兼羅羶我時行

厨餽牽竭遠勝鮭菓供饒涎不知人間有此山水窟
螭古塞稀人烟當年神禹未刊奠泛槎瀛渤來張騫隔
江突兀高麗臺平安咸鏡通新蟬 聖朝懷柔徧川嶽

使星所指恩無偏丈夫當為黃鵠舉枋榆之搶何其然
我也東西南北之人也或者奔走或後先逍遙供奉偶
憶昨縋幽鑿險真空前歸來壯遊聊可記吮豪笑仿東
征篇

東征襍詠

冠上復加冠非關風雨寒竊羅殊古制蚊蚋不能鑽

蚊帽

細木充帳梁巨木供柴垛爇之通宵明妙絕平安火

平安火

陡壁能上下初不勞步武四足捷如飛不愧爬山虎

爬山虎

澗溪深若河中流石搖盪生平所未經策馬兼拄杖

策馬杖

吾聞熊之館岩穴為相於如何黑瞎子今乃好樓居

黑瞎子樓

巨牙食虎豹其形乃若狗絕勝鳥槍兵美之豺咆手

豺咆手

鹿砦營輞川今驅納陷穽象齒戒焚身物病何相等

鹿砦

寄內

家園花柳近何如客路奔馳五月初不識夫人忙底事
尤旬只寄一封書

時有平安報老夫函中叙述仗家奴喜聞母子添遊興
知是身輕一病無

有感

半載皇華老大身偶窺明鏡意酸辛只疑異地能肥客
不道孤栖亦瘦人髭為吟詩爭白髮心慚憂國悔紅塵
勞生強半功名裏誰是馳驅百五旬

得家言有梅谷少宗伯自壽詩即步其韻

剡籐日日洒雲烟排遣炎燬六月天半載遼東人似夢
一廬城北日如年喜無竿牘紅塵外念在觚稜碧漢邊
怪底連朝乾鵲噪好音先送畫檐前

三十六鱗殊不滯家言又遞自京華饒涎千里玫瑰餅
香味幾枝蒼荀花坐隱棋能消白日遊仙枕儘暈紅霞
身心邇際都相左半在遼陽半在家

寓潘口號

長日如年暑氣堆瓜廬矮小獨低徊天棚紗屣親王府
笑我無緣消受來

時寓睿親王府

憶蟬

得氣寄高爽真如鳳集桐一生不知雪幾處偶嘶風垂
柳關門碧斜陽漢苑紅金貂清切甚未許至遼東

潘陽無蟬

小黑山遇雨

水聲天上來怒雷挾風起隆隆勢漸雄點點洒不已有
友話車前故交喜覲止知子之來之小住為佳耳東道

意何誠欣然卸行李荒店午睡醒雨過天如洗

途中即目

熱塵撲面暑難逃瞥見深林柳萬條
婦自紡花兒晒草一家笑語草團瓢

遊醫巫閭山

天許助遊興甘霖洒昨朝一時凌嶽巖
千里淨塵囂暫解炎熇苦都忘襜褕嘲
古堂堪望海何惜馬蹄遙名境幾空過
今酬夙願來岡巒多水石蹕路舊亭臺

深洞晝忘暑飛泉晴走雷曠觀亭名山脊上望眼一時開

榛子鎮再題王氏廳事

咫尺神京井邑淳
檐帷暫駐記初春
輪蹄往返七千里
僂指光陰百五旬
雨足郊原禾事茂
詩題壁上墨痕新
主人笑我奔馳苦
遙指西峯欲卜鄰

曲陸店早行

獵獵北風送客槎
瑤峯珠樹幾人家
兆豐三白春來景

開徧前途霧淞花

齊諺云霧淞重霧淞窮漢置飯充歲穰之兆也
注音夢送曾子固詩月淡千門霧淞花

抵濟南作

十五年前試士官青齊重到候初寒
惜華點點山爭出
雨雪霏霏柳未殘
滿地萑苻連沛下一時鴻雁唳江干
九重震赫君知否
燈下彈文仔細看

時奉廷寄
查辦撫藩事

遊趵突泉

廿年舊雨已凋零
感觸重登漱玉亭
鴻爪依然看印雪
客心誰與話漂萍
水聲終古珠噴白
山色遙空黛潑青
如上勞勞凭檻望
盧生一夢未曾醒

漱玉亭在趵突泉玉壺
堂後後為呂公祠

濟南雜咏

八九名泉此足多
灤源三窟湧清波
明湖一鑑流無限

應有滄浪孺子歌

酌突泉

江南風景舊知名
登小滄浪取次行
照檻山光繞廊水

亭中却少讀書聲

小滄浪亭

當年慷慨誓師時
碧血成湖天地悲
不見孝陵松檜老

千秋人說鐵公祠

鐵公祠

幾處螺鬟鬥尹邢
鵲華仙袂聳圍屏
定知春雨初晴後

薛綵吟館鈔存

卷五

三

一派山光滿郭青

千佛山

不數蘇堤與白堤分畦畫畝穀紋齊江城桃柳菱荷水

合稱西湖舊品題

大明湖

登千佛山

向夕意無聊登高騁遐矚心馳燕薊雲目極岱宗麓
二同心人詠歸慰幽獨

夜坐

譙鼓已三嚴使館人聲靜金波泛綺窓畫出疎林影放

眼悟真篇泡幻觸深省

北極閣

倦厭征軒理畫橈偶臨烟水思迢迢客邊風景歲將暮
鬢上光陰雪欲飄鼓棹人來蝦菜市登樓同望鵲華橋
鵲華橋東北有白雪樓當年聖跡栖遲久昂首東山意也消

歷下亭

鼓枻過晴川紅曦散午烟亭名歷海右山影落樽前四
面芰荷水三春桃柳天林巒空想像人立夕陽邊

偶吟

望斷鄉園萼綠華，小窓無復一枝花。
冬山靜對數峯冷，秋水閒翻幾卷斜。
思不朋從能証佛，身為客慣欲忘家。
半規日影過牆去，隔院紛紛又暮鴉。

我家亦在帝城邊，彷彿香山池上篇。
竹石亂堆成隱宅，親交雜坐合歡筵。
冬來偶挈烟霞侶，歷下重尋山水緣。
小住為佳歸亦得，曉風寒透碧雲天。

磨蝎無端入照頻，卅年奔走飽風塵。
安閑境况艱難業，

富貴排場辛苦人，燮理任他籌畫省。賢勞獨我詫比鄰，不知命豈為君子遮。莫勤勤致此身。

飄然一葉使君舟，宦海年年怵急流。義不容辭愁立脚，愧無以報想回頭。情能淡處消魔障，念到平來泯怨尤。長短亭邊人並望，星軺安適爾何修。

雜興

海濱水俗更山凡，情話何人艮輔咸。記得客秋江上過，金焦滿眼送歸帆。

贈陳子鶴少寇

孚恩

我愛元龍意氣豪精神籠罩冠羣曹畫堂壽永庭闈慶
溫室恩濃第位高咳嗽隨風能屑玉雲烟落紙想揮毫
即今陟屺時瞻望不是皇華敢憚勞

潘芝軒相國

世恩

戊申新正

晉太傅用紫韁

紀詩屬和

一代元臣福履豐當年試賦韻摩空螭頭彩筆頻操鑒
龍首黃扉夙亮工二伯三師周典重朱纓紫轡漢儀同

新春獨拜便蕃 賜耆德應緣契 聖衷

龍馬精神松柏姿 九重雨露本無私三公特晉班聯
貴百揆羣欽德望慈象緯早占天柱朗鹿轡不羨火城
馳相庭多慶應無限竝賦東堂三傑詩

卓海帆相國 秉恬 奏雨志喜屬和

禮歲 珠丘雲蹕還甘霖隨 輦兆豐年雨師洒道能
生穀野老迎 鑾樂服田地脉共霑膏澤普 天顏有
喜奏章連應緣調燮功無外竝頌綏豐 黼黻前

定郡王曳車圖詩屬和

勞勞亭畔寫來真粉本描摹妙入神牛馬呼之他類我
犬鷄仙去爾何人幻情偏具芝蘭臭世味都忘薑桂辛
擺脫鞿繯推若箇踏紅未許悔風塵

梅谷喁題爭棗圖

滿園花木飄秋風迎陽衰頽枝枝紅遠勝木奴三百顆
離離羊角盈筠籠鄰家姪子音鴟牙出集韻吳人謂赤子為姪子六七童偷緣

高樹如文彪一童矯捷將滿把一童仰手憐空空一童

狡黠撼喬棘搖落滿地朱櫻同紛爭不釋兩童鬥揮拳
握髻其神雄獨有一童稚而弱且拾且食佯倥侗我觀
此圖忽大笑爲貪何似信天翁翳倪孟子音義倪謂
翳倪爲小兒也之見不
足數赤心坐愛鄰丹楓仙人自有安期瓜乘鹿盧蹻東
瀛東

梅谷寫清直圖以自勵屬題

濁流流不息貪黷乃懷仍官箴重六廉惟清為首稱古
人恐人知淵量何澄澄一腔無渣滓四座生風稜貪泉

若將澆酌水期同能一片自無瑕視此玉壺冰
人之生也直曾誦尼山語誰歟攘羊譏猶不乖古處江
河嘆日下權械遽如許匪僅失其天徒為心億億我慕
古之愚遐想常延伫如繩愧未能持以勉儔侶

定郡王息肩圖詩屬和

震旦微蟲號可憐今朝無復俗情牽家猷甘謝吾衰矣
花政已稱勲爛焉艱大紛投疑隔世游行自在送餘年
一時曠快街頭立若箇勞人得比肩

飢驅寒迫乞誰憐
插脚紅塵萬感牽
有子任他堪荷否
無能為役合休焉
仙猶瞥眼三千歲
誰辨平頭八百年
失喜而今真弛擔
向禽巢許可隨肩

不關天遣若為憐
蠶裹蛛絲枉自牽
風味徧嘗空鹿碌
塵勞錯步等烏焉
誰知太上忘情客
斯是邯鄲醒夢年
多少路旁人羨煞
此翁瀟洒聳山肩

畢竟伊人未足憐
尚存一息總纏牽
籐絲葛蔓紛如許
帶水拖泥樂有焉
賀監池邊招鶴日
蘄王湖上控驢年

直教撒手排烟去定有洪厓笑拍肩

直廬排悶

吾職如司關統領衆虎兇章身裊服紅飄項翎花紫太
平一事無扈 蹕供嗾使十日一入直直廬小莫匹無

客共招要有兵相守視幃車新婦人面壁禪和子終日

不出門如在麤螺裏坐倦手拋書一枕黑甜美只離

夢神名

為引伸浩蕩天風起夢落三神山遐曠殊可喜一笑倦

眼開日光滿窓紙

中秋後重遊碧雲寺

琳宮不到幾經年，乘興褰裳蒼翠巔。健步尚能登古塔，

洗心

亭名

時復俯流泉。樹猶如此陰鋪地，風與之俱秋滿

天。曾是

御園分賜出，璇題高處墨華鮮。

定郡王用漁洋秋柳韻賦秋海棠四律屬和

秋色淒迷驚客魂，靚粧猶得豔蓬門。擎來翡翠層層葉，
畫出胭脂縷縷痕。玉盞花磁新供養，天桃穠李劇粗村。
嫣然幾朵迴廊外，貼梗垂絲莫並論。

一種韶顏鬥雪霜天然妝束映池塘冰肌紉以雙珠珮
縞袂盛宜七寶箱倩女有情來海國明妃欲淚答君王
只留金粟丹心在不羨三春碎錦坊

年來天為賜緋衣瘦影亭亭桃杏非醉頰潮紅霞影淡
羞容暈絳露華稀一枝炙日蜻無力四瓣搖風蝶欲飛
不捲重簾成澹對賞心何處肯相違

零落莓苔倍可憐牆陰屋角冷偎烟殘莖墜葉留朱綫
剩萼垂鈴別紫綿

西府海棠
棠別名

歌向瑤階啼曉月貯宜金屋永

華年閒拋小粒抽新穎半在山邊半砌邊

定郡王以前韻賦菊花屬和

檢點花經慰客魂秋芳坐對掩柴門愛花人倚簾鉤影
摘艷苔含屐齒痕斜日園林開滿逕重陽風雨暗前村
栽培獨得天之厚桂粟蘭漿漫與論

却笑凡葩不耐霜墜紅飛白滿橫塘與梅同瘦供詩筆
合祀延年入藥箱一節不渝斯壽客九枝獨占亦花王
璚枝金萼堆珍品何必尋幽問寶坊

冷艷翻披五色衣。媚人傲世語全非。魏公老境秋容淡。
處士深交靖節稀。曉月窓紗蛩細語。夕陽池館蝶紛飛。
素懷一室同高隱。酌醴餐英願莫違。

不向東風訴可憐。松林三逕卧涼烟。一叢秋老繁堆錦。
九月霜清冷透綿。牆外遠山供畫境。鄴陽流水話當年。
橙黃好景饒佳興。都付陶家籬落邊。

定郡王以前韻賦梅花屬和

衝寒幾樹返冰魂。春到孤山處士門。霜霰侵凌香更烈。

鉛華洗褪玉無痕林間星月師雄夢雪後溪橋和靖村
歲晏山深如許樹九英萼綠細評論

老幹着花經幾霜年年冷艷照池塘吟疎影句凭晴檻
寫嫩寒圖入畫箱守尔清癯宜鶴子陡然富貴陋花王
龍松鳳竹皆貞友天為羣芳樹表坊

姑射仙人各縞衣江城一曲事皆非詩吟東閣高風邈
人醉西湖舊雨稀儘有金尊香共嚼莫教玉笛韻爭飛
客星兩度揚州夢翠羽明璫願竟違

棱棱瘦骨亦堪憐
玉照堂空破曉烟
酌酒林亭香襲袂
尋春山逕雪鋪綿
支撐虬幹足千古
管領鶯花又一年
為尔孤吟成俊賞
短筇不忝段橋邊